

[بهالنهاري، من عيد نشر هالبوست رغم إنو يمكن كتار قريوه، بس بعدها هالحقايق بعيدة من إنو تكون معروفة من قبل أغلبينا، وكل عيد مار مارون وإنتو بخير (موارني وغيرن، مسيحيين ومسلمين) إذا بتطبقوا مبادئ الناسك مارون وجماعتو الأولى بلبنان، ولو بلا ما تنتسكوا ع راس جبل]...

بهل عيد بحب عيد اللبانية عمومًا، والموارنة خصوصًا، بعيد مار مارون، بي الطائفة المارونية، هل الموارنة يلي شاء القدر، مع كَم من المقاومة والتضحيات، إنن حملوا اسم لبنان عبر العصور تصار اسم الجمهورية؛ بس الأهم إنو منحب نبِّلش نخلص من المعلومات الغلط يلي توارتوها أهم المؤرخين وصارت موجودة بأهم الكتب، أو يلي انتشرت بالمجتمع من برات الكتب، يلي اليوم العلم حطًا عجنب:

- "مار مارون هرب ع لبنان": لاء. توقّاب "كفر نابو" صوب حلب صوب ٤١٠ (آخر مكتوب بخصّه بالـ ٤١٠) وعل أرجح ومش أكيد إنو ندفن بضیعة "براد" (إذا مش ببراد، ما منعرف). في حدا ثاني اسمو يوحنا مارون، عيدو ب٢ آذار، وما هرب ع لبنان؛ بالعكس، طلب يكون أسقف البترون عام ٦٧٦ وإجا وبلش ينظم المقاومة العسكرية بجبل لبنان من عكار لجزين ضد الإسلام يلي هني اليوم معنا بدولة لبنان (مع محبتنا واحترامنا بس هيک التاريخ، ما يزعلوا، وما يزعلوا السريان والروم أدناه)، وأسس "كنيسة لبنان الحرة" سنتها، وصار أول بطريرك ماروني سنة ٦٨٤.

- "جمجمة مار مارون يحيي بكفرحي بقضاء البترون": بل مبدأ صح حسب مسار كل شي نكتب بهالموضوع عبر التاريخ، بس أكيد ما في اثبات بيولوجي / جنبي.

- "مار مارون أسس طائفة": لاء. مار مارون ما عمل إلا يقدم مسلك معين لعيش الديانة المسيحية ارتكازًا عالزهد والتنسك، علمًا إنو الديانة المسيحية ما بتلزم هالشي، وكل شخص إلو حق يعيش الـ "فقه" المسيحي، يلي هوي توصيات المسيح يعني المحبة والتواضع والغفران (ما تخلطو هالأشيا مع تعاليم الكنائس العديدة)، مطرح ما هوي موجود: بمغارة أو بالمديني. بس مار مارون هو الشخص الوحيد (بالمبدأ) يلي أتباعه شكّلوا حالة جماعية عفوية من خارج الإكليروس، وصاروا طائفة مع الوقت.

- "الموارنة شعب": لاء. الموارنة هني أتباع مارون يلي صاروا مذهب / طائفة، وين ما نوجدوا. أول مرّة مذكور مُفرد "الموارنة" كجماعة اجتماعية (مش بس دينية) هو حوالى سنة ٩٠٠ (تسعمية).

- "الموارنة ضبضبو كلاكيشن ولملموا حالن وهربوا ع جبال لبنان الفاضية": لأ ما كانت فاضية وع فكرا ما كان في شيعة بعد... ليش مين قصّ شجر الأرز ع كل الجبال؟ ومين عمل أفقا وقلعة بيت مري والخمارة بعاليه والمعبد بدير القمر يلي هو اليوم كنيسة سيدة التلة وبعد كتير إشي بالجبل؟ وكيف في كتير أثار رومانية متلاً بالمتين (بالزعرور) وب شحيم بإقليم الخروب؟ (أغلبية الأثار الرومانية بلبنان تعمّرت على أثار كنعانية (فينيقية وفق التسمية اليونانية))... وكيف الألمان ساردين عشرات أسامي الضيع على إنا لغويًا كنعانية (غير السريانية)؟ وبعد في كتير حجج بس بزيادي لهلق. صحيح أكلوا ب سوريا كذا كف من قبل المسيحية (من قبل السريان) وبعدان من الإسلام وظرفيًا من البيزنطية، بس يلي إجو هني أعداد قليلة أغلبين رهبان من دير مارون الشهير بأفاميا بسوريا يلي كان هو أكثر شي ينغزا...

- الموارنة قال شو، قال لجأوا لمعاوية ليأمنلن مهرب ع جبل لبنان تيهربو من الروم.... هوي معاوية يلي أنزل المرابطين ع ساحل لبنان، تيحاصر سكان الجبل حسب مخطوطا حاملي ختمه ويفتك فيهن (ويصد الأسطول البيزنطي أكيد)...

- الموارنة قال شو، الموارنة أنباط (خدلك) إجو من شمال شبه الجزيرة العربية عالبقاع والجنوب و"يمكن الشوف" (حسب المؤرخ يلي كتير مشهور ومعروف إنو عروبي...). كل هول النظريات عمرا ١٠٠ سني، إنو يا شباب إنتو آخرتا سورية أو عرب (أو التتئين)، ليش ما بدكن الوحدة مع سوريا؟ (ما عنا شي ضد سوريا وشعبا بس مش ممكن ندوب حالنا عددًا بالإسلام بعد أكثر)...

الحديث بطول بعد، بس بكفّي لليوم نقول إنو الموارنة هني كنعانية جبل لبنان يلي كانوا دينيًا وَثَنِيَّين (بتحفّظ، لأنه عالّرجح كانوا موحدين قبل اليهود) وصاروا مسيحيين بعد ما إجا مين يبشّرّ من أتباع مارون يلي إجو من شمال غرب سوريا، بين ٤٥٠ و ٥٠٠ ميلادي.

وع فكرا، مارون ما كان سرياني، بس كان يستعمل السرياني كلغة فصحي وليتورجية، وإلا الموارنة اليوم بكونوا عرب...

"في فمنا ماء" مثل ما بقولوا بالعربي، بس بزيادة لليوم...

ع كل حال، وباختصار، الموارنة هني هل جماعا فتّو الصخر وجلّو الجبال وعاشوا القلة والتواضع والزهد بروحانية ليوفوا للحرية (ساقبة من المحيط المسلم) معناتًا، وهيكل ولا مرة دفعوا جزية وولا مرة كانوا أهل ذمة، وضايّنوا ٧٥٠ سنة محاصرين مقطوعين عن العالم (عدا ٢٠٠ سنة من الاحتلال الصليبي). ولمّن صار الوضع لمصلحتن بل ١٩٢٠، انفتحوا عل الكل بتسامح وغفران ومحبة... هاي تعاليم يسوع المسيح، هاي يلي أكّد عليا مار مارون لمّن شطحت الكنايس...